

# E storia tras di djuku

**Spesialmente na e asina yamá bokanan na kosta pariba i nort di Boneiru, manera Washikemba, Lagun, Onima, Morotin i Playa Grandi, ta haña djuku, un bonchi mashá gustá. Sa usa e bonchi aki entre otro pa traha hoyá. Muchanan tambe sa kolekshoná djuku ántes. Dufi Kock di Aruba a skirbi un artíkulo interesante tokante djuku.**

*Pa: Dufi Kock*

E mata di djuku a yega di nase na Aruba na aña 1966. Probablemente tabata e promé mata di djuku ku a nase na Aruba. Tabata Dominico Ras di Mabon 13, Brazil, ku a planta un simian den kura di su kas. Djuku no ta un mata di Aruba. E ta un mata chikitu ku vários rama ku ta sali for di e solo tronkon.

E nòmber di e djuku aki ta Caesalpina Ciliata for di e famia Papilionaceae, un mata di mondi, ku ta hopi rama i popular na Mexico, Caribe i Amérika Sentral. E mata ta pari e simian den forma di un baliña ku hopi spiña, ku dos simia aden, esta e djuku.

E ta kai abou i riu òf áwaseru ta hib'é den laman grandi.

Bo por imaginá ku un simian riba laman grandi, míles di mia for di tera, ku Destinashon dependiendo di e bientu i ola, te ora e yega na un kontinente distansia. Aki na Aruba, ami mes ta kòrda, ku bo por a haña e simia riba bich na kosta parti nort i pariba di nos isla.

Dominico Ras tambe a haña simia den luna di novèmber 1966. El a bin su kas i a disidí di planta un simia. Shete luna despues, pa su sorpresa i di su famia, e mata ta nase, bira grandi i pari simia grandi yen di sumpiña.

Ora e simia ta kompletamente seku, e ta haña un koló brùin skur te hel oraño.

Loke ta hasi e mata aki mas notabel ta ku por lombra e simia bunita i bira un adorno pa armbant pa dama i tambe un ko'i garganta. Tambe hoyerianan sa pone nan adorno di oro, number òf inisial di nòmber komo rekuerdo di Aruba.





FIN